



1002
1502
1502

图
故
华
库





55595

傳682.049
399

朱文端公年譜

11920.37
25-3-3

朱文端公
年譜

後學劉繹題

朱文蟾所刻四十年遺像



同治辛未
夏月開雕

天主鍾坡非三節年

羽偉甫後其朝欽字

心申身倫德人宙

如心而躬盛贊堯

破言公歷化舜

神絲

聖崧我遭

出綸君

運嶽公遇

秉盧民

篤賓東坡

嶽考后精詆降厥德昭應

呂艘用既屬翼駁歷

三朝勤襄哀職中外

宜諱缺刑

判國肅瞻

讚鞞屬儀峻特炳奇月青

播芥翰墨風然峨峨遠乎

憲則悼哉輔臣屬後冉

寺錢塘後崗許了晉謹贊

館新 二湮 殂
後 馨 扇 帝 謝
學 香 山 瞻 百
周 祖 峩 明 有
恩 桓 与 德 餘
綬 千 錦 遺 春
敬 載 水 澤
題 如 鄰 罔

不 陛 不 臣 親 塵 鄰
不 正 陳 讀 宣 肅 醫 國
淄 芬 想 髮 瞻 予 史
不 垂 見 公 廣 公 八 具
磷 紳 遺 穎 像 子 在
自 亦 疏 真 誓 識 允
和 非 枉 刻 猶 式
公 亦 殿 道 石 疑 涓 臣

皇天眷命篤生元臣擎天浴
日如世之春懿矣文端穆穆
盤盤宣猷弼亮昭代鉅觀
領解登第金閨太史卓茂循
良皋陶作士視學秦中
聖祖留公翱翔卿寺撫浙
西東憲廟霖雨獨坐
四輔一德阿衡陳書尚父尹

壽務成君前臣名
高皇懷舊可亭先生夢方疇
昔不祈恩澤臨表舟誠嘉
謨碩畫拜公遺像河嶽星雲
華簪才子世載清芬
邑後學蕭元吉敬題

朱文端公年譜

案 公年譜原編於六世孫瀚流布絕

生平行誼 列朝恩遇不無簡略舛時為

公重梓藏書爰取公 國史本傳誌狀碑版

與夫載籍之可徵者補訂之冠諸文集之首後

之稱先正錄羣輔者庶其有取於斯同治八年

二月六世族孫舛謹識

公姓朱氏諱軾字若瞻案自傳云又字伯蘇劉官保鳳諾云吾鄉朱文端公

名蘇公之名裘文達公名歐陽之名其所自待如彼號可亭世居江西瑞州

府高安縣坡山之良溪里十世祖雪坡公諱益中

明永樂乙未進士歷任刑部郎中治獄多平反矢
 心清白之官不攜家累年五十卒於京邸惟一老
 僕侍囑曰未能報吾君親歸以忠孝二字語子孫
 迄今族姓繁衍間有家庭詬誶責以公遺訓未嘗
 不懍懍也三傳至官一公諱應洪積德勵行鄉里
 稱長者時羣從科甲蟬聯家門赫奕公懷盈滿之
 懼乃結茆邨北之良溪詠歌遊釣以自娛久之遂
 家焉又三傳至公會祖竹亭府君諱崇遂厭薄舉
 子業從吉州鄒東廓先生遊潛心理學發明天人
 性命之旨著述甚富萬曆之季出粟賑饑活數千

人直指使欲上其事請旌固辭止之早歲艱嗣娶
 李氏晚乃生子二次為公祖斗如府君諱朝綬邑
 庠生娶張氏生公伯父君馭府君諱輅郡庠生又
 娶孫氏生公父北坡府君諱極光娶冷氏上高邑
 廩生泰女曾祖祖考俱以公貴

覃恩誥贈光祿大夫曾祖母祖母俱

誥贈一品夫人

案公考光祿公行述云王父卒時府君甫
 離襁褓襦笑孤影無大功以上親虎瞰者
 攘袖起勢危甚張太夫人持府君泣曰身家不兩
 全恣使取之庶活此藐孤也語聞競侵攫瓜裂過
 半產去賦存通完而家僅矣

長也

公兄弟四人次焜次燠次炯公其

康熙四年乙巳 公以八月十一日生於良溪里生

而洪聲廣額骨插鬢稍長岐嶷大口長目步闊

二尺見者已知為非常人

案陳守譽重刻輅車錄跋云公高祖當明嘉靖

之季賑荒之功極大至公會祖及祖皆有賑荒之功相傳公之祖曾遇大饑既竭已之倉廩以賑之心猶未已乃借於同姓之富室以繼之其人亦好善慨然付借及秋熟加息償之其人愕然曰君本濟人何償焉公之祖曰吾本借耳安得不償彼此再三推讓其人不不得已乃受其償而嘆曰此美事讓君獨為之矣公之先世如此天乃篤生公以報之嗚呼積善之家必有餘慶豈不信哉豈不信哉

五年丙午 公二歲

六年丁未 公三歲

七年戊申 公四歲

八年己酉 公五歲

九年庚戌 公六歲

是歲嫡祖母張太夫人卒

案公妣冷夫人行述云

覓乳婦吾母曰生子不自乳使寄食於人何以為人母况家貧安所得備值耶不孝等甫能言教以唯諾學步教以退遜至五六歲猶置膝下不令與羣兒嬉

十年辛亥 公七歲

是歲少祖母孫太夫人卒 公始就外傳從族兄

枚及授讀塾中客指鋸板令為破題公應聲曰送

往迎來其所厚者薄也客大奇之有神童之目

案

與族人晝自予總角入塾輒為族中長老所愛隣明子伯常語塾師曰此吾家千里駒也為我善教

三書

古唐朱氏藏板

之及公鼎時文序云
枚及予受業師也

十一年壬子 公八歲

十二年癸丑 公九歲

十三年甲寅 公十歲

案公考光祿公行述云王父念一生攻苦下帷三
登副薦卒抱荆泣以此憂鬱致傷其生遺命數百
言歷道孤苦困躓及育子之艱詞甚悽切不孝軾
幼時於神櫃中拾書府君聞而哭不孝亦哭鄰里
來訊問皆相對嗚咽王父著作盈笥府君每一繙
閱輒涕零嘗以王父時文授不孝讀未竟篇失聲
長號一慟幾絕自
是不復省覽云

十四年乙卯 公十一歲

十五年丙辰 公十二歲

十六年丁巳 公十三歲

十七年戊午 公十四歲

十八年己未 公十五歲

十九年庚申 公十六歲

二十年辛酉 公十七歲

二十一年壬戌 公十八歲

是歲讀書龍城寺案公公鼎時文序云公鼎子孫
行長予一紀歲壬戌肄業龍城

寺同人甚眾獨公鼎與予相得益彰余金熙朝新
語朱文端公少好學用志不紛塾師嘗會飲公不
與讀書不輟師命爨夫遺以酒肉置座間若無
觀也每見古大儒名臣循吏之行輒筆記之

二十二年癸亥 公十九歲

二十三年甲子 公二十歲

二十四年乙丑 公二十一歲

是歲娶夫人陳氏

案儀禮節略昏禮附論云吾鄉婚日親友釀錢為賀婿家置酒

高會飲畢少年轟逐入房撤帳勸酒甚而以墨塗婿面針刺侍婢謂之鬧房予年二十一完婚先期告之族長及親戚之長者嚴為拒絕嗣是吾家此風遂息據此原編稱娶夫人陳氏在二十二歲者也誤

二十五年丙寅 公二十二歲

二十六年丁卯 公二十三歲

是歲試於府為知府河南李公澧根所知拔置第

一應道試提學道長洲何公棟取入郡庠

案公光祿公行

述云丁卯不孝賦補博士弟子員亦授徒里中父由戶部郎中出知瑞州府明敏多惠政拔高安朱文端公於寒微教之卒為名臣張望陳翠池傳翠池遷瑞州府教授朱相國文端出門下嘗許文端子巖廊可待也吾于南城得梅生今得子子必勉之梅與文端皆貴盛而文端尤為名臣

二十七年戊辰 公二十四歲

二十八年己巳 公二十五歲

二十九年庚午 公二十六歲

三十年辛未 公二十七歲

長女朱貞女生陳夫人出

三十一年壬申 公二十八歲

三十二年癸酉 公二十九歲

秋八月應江西鄉試領解主考翰林院編修宋公
 大業戶部郎中王公可大宋拔公於落卷中評云
 遍閱通場雖時遇賞心總未離時徑非流膚淺即
 涉粗疎每嘆合作之難獨此卷清空天矯百折千
 迴古氣淋漓筆力遒勁直從八大家中沈浸沐浴
 而出西江此調久不彈矣得此反覆欣賞狂喜累
 日觀其命意措辭迴絕塵表直如天半朱霞雲中
 白鶴斯真曠世逸才伯祥大士之後一人而已拔
 冠多士以為起衰振靡之式宋為大學士文恪公

德宜子揭曉相見歎異曰河目海口惟吾先公今

子繼之矣

案公光祿公行述云癸酉禾大無斗穀
 免膺鄉薦府君竭膏
 髓營諸費遣赴計偕

三十三年甲戌 公三十歲

春三月捷胡任輿榜進士主考吏部尚書熊公賜
 履禮部尚書杜公臻兵部侍郎王公維珍工部侍
 郎徐公潮同考翰林院編修沈公辰垣王有江深
 五里海深十里之評沈尤擊賞謂陸歐復生也

夏四月 殿試三甲 賜同進士出身授翰林院

庶吉士習 國書

三十四年乙亥 公三十一歲

在館供職 是年

覃恩封公父徵仕郎翰林院庶吉士母冷氏七品孺人

三十五年丙子 公三十二歲

在館供職

三十六年丁丑 公三十三歲

散館以知縣用 案散館故事者兼試漢文卷窄而文繁有倡言

清文不必漢字底稿者公從其言卷進呈則清書無漢文底稿者皆為違式以知縣補用

三十七年戊寅 公三十四歲

在京需次 案公李怡齋墓表云憶康熙三十七年軾需次銓曹儼居城南僧舍

三十八年己卯 公三十五歲

在京需次

三十九年庚辰 公三十六歲

選授湖北潛江縣知縣迎養父光祿公母冷太夫人

人

刊註 上諭十六條以教士民序略云軾起

家縣令筮仕得楚之潛江思教民易俗莫如

上諭十六條爰用楚中鄉語註為訓解使婦人

孺子皆可通曉朔望親集士民宣講於明倫堂又

優其禮數使各解說於其鄉軾偶以事出郊坰輒

召其父老子弟為之解說環立如堵墻人人傾聽

案鄂爾泰撰公神道碑略云潛江楚劇邑民澆吏黠俗傲賦繁公至下免耗之令正供之外一無所取

四十年辛巳 公三十七歲

在潛江任 公廉介不苟麤糲自甘陳夫人躬紡

績為助衙署蕭然不異為諸生時有一帶經十年

做甚不能復留戲作長句別之云云案公有四餘

云四餘署中有是額謂三餘并公餘也集為嗣孫世爵所編蔣士銓序云公詩不事規撫不尚粉飾以直達性真為主帙內篇什大抵為諸生及宰潛江時作也又朱筠筇河文鈔先府君行述云王父諱登俊筮仕湖北之長陽縣當是時高安朱文端公亦為湖北屬令兩公以同姓約為兄弟相得懽

甚其循良之跡湖北人稱之以為兩公伯仲也府君居恒又數為不孝言文端清風儉德未嘗去口

四十一年壬午 公三十八歲

在潛江任 秋箋註李長吉昌谷集成案是箋板

少從叔父葵泉公會於京師琉璃廠書肆購得弟一二殘帙兩卷卷端標題朱可亭箋註則非自為刊本可知也有自序一首采入文集補編又序尾名印之外副以學宗濂洛四字公之志可以知矣案原編云是年註莊子內外篇未見

十一月長子必堦生於署側室謝淑人出

四十二年癸未 公三十九歲

在潛江任 時邑人有命案實係鬪毆致死公據

情審擬時湖北巡撫員缺署事為總督喻公

疑爲故殺駁飭覆審公仍照原詳以覆再駁再覆
如初詳喻公調公至省城詰責謂如此執拘豈吾
所見不若爾耶公和顏以對言獄貴初招令所據
乃初詞公所據者訟師所教唆反覆遁詞耳故未
敢曲從也喻公怒訶曰爾猶執己見吾不能劾爾
耶公笑曰故殺罪不赦畏察劾而枉殺人令不爲
也拂袖徑出喻公怒甚卽擬具劾疏其幕友以爲
令詞直不當劾相持久之新巡撫劉公殿衡至喻
公相見卽述公事商酌劾疏劉公曰吾在京師卽
聞朱令賢信如公言眞賢令也當共列薦牘奈何

劾之喻公意解事乃已公政聲益高逾年困者甦
悍者馴法立而人不犯囹圄空虛教化大行初潛
江文風靡敝鄉試中式者寥落無幾人公召生童
校試拔其秀發者十數人月加課試指畫口授接
待優渥邑子弟見而羨之爭自濯磨蒸蒸丕變曩
所拔者次弟掇巍科十年來科名鼎盛論者謂與
文翁化蜀比烈焉

四十三年甲申 公四十歲

在潛江任

次子璠生於署側室謝淑人出

年譜

九 古唐朱氏藏板

四十四年乙酉 公四十一歲

在潛江任

十二月行取入都案詩集別潛有銅符幾載竊君

再上長安道兩歲中分半夜時之句○聆藏有竟

陵王萌楚辭評註四卷其姪帶存攷音公為校訂

多所發明如云高陽苗裔先叙家世遂為千古紀

傳之祖正則靈均於本名字外別創美號其今人

別號之權興悔相道以下六章於山窮水盡處忽

設悔之一想志益堅情益深文章益暢此即孔子

居夷之想自重華陳辭以後飄然上征上下求索

問靈氛要巫咸窮天極地遊行媮樂忽然臨睨故

鄉悲不自禁如聽繁聲而忽寂如看蜃樓而忽散

如夢華胥而忽醒令讀者神搖目眩天下大觀於

此極矣湘君告余不閒為盡昏庸之主厥棄老成

之態湘夫人嫋嫋秋風二句開六朝唐人無數奇

句東君日者君象皎皎既明有燭照覆盆之喜非

復長夜漫漫之象矣蓋深致望於君也皆獨抒己

見然校訂何年不可考案公詩集後載有石城舟
次懷帶存詞一首自注云去冬鄂歸帶兄同舟時
讀楚詞想是官潛
時也謹次於此

四十五年丙戌 公四十二歲

正月到京授刑部主事旋轉本部員外郎案前年

史黃秉中疏言漢人一為知縣俸滿三年行取到
部即得考選科道殊覺大驟請嗣後行取知縣先
以六部主事用俟練習
有年始許考選從之

四十六年丁亥 公四十三歲

陞本部郎中 部中堂司多員異同莫適為主吏

緣為奸撓正掣肘膺斯職者多媿阿因循以傳舍

視其官否則深文以避咎公慨然曰吾正患心未

年譜

古唐朱氏藏板

全譜
盡理不足耳何衆論之惑每遇聽獄必諦審原委
詳悉舊案比合律例折以情理之中多所平反時
有巨猾余姓繫獄有力者代爲營救謂公寬仁必
脫之公獨持法論不貸衆撼以危言公曰吾識早
定豈以勢利奪耶卒論如律又公庫借逋已奉
恩旨寬免追呼有欲以培克見才者誅求甚急公與同官
李君陳常力持不可爭月餘卒如公議公受
聖祖仁皇帝特達之知實自此始

四十七年戊子 公四十四歲

任刑部郎中

四十八年己丑 公四十五歲

三月會試充同考官分閱禮記房得士二十二
人授翰林院庶吉士者七人未出闈卽奉

命提督陝西學政

側室謝淑人卒於京邸

四十九年庚寅 公四十六歲

在陝西任 光祿公來視纔閱三月謂公曰此席
豈可多人遂決歸志留不可公元配陳夫人乃摯
子女以從俄而夫人以疾卒於路 公泣扶風率
諸生謁橫渠夫子廟因是博士繩武以張子全書

漶漫重刊未逮為請公得讀全書每對諸生闡明
 張子以禮為教在變化氣質而實踐其事諸生聞
 之莫不悚然立志期年關中正學豁然大明 又
 選刻名文為校士錄細加評點以訓士子 又手
 定造士諸格編藏於篋遇門下士有出任學政者
 取以相示曰吾於是職常瘁心力焉幸勉行之

五十年辛卯 公四十七歲

在陝西任 歲試册報部科公不名一錢部科吏
 怒拒册不收故遲之為公罪鑄二級調用時科試
 未竣代者且至秦士入試院合詞監臨者請 奏

留公不得則大譁監臨為好言寬之會有以其事
 上聞者

聖祖以問九卿大司寇韓城張公廷樞昌言朱學使公明
 廉謹實為空前絕後眾論皆同 特旨命領職如
 故鄂碑云

聖祖仁皇帝休養生息垂五十年海內殷富江湖寬深藏
 疾納垢有貪夫墨吏幸脫堯誅而公獨危苦凌兢
 屹然有立凡公所以受知

三朝出入貴重蓋自作宦於秦楚始也

祖仁皇帝之末天下學政號為
 清官者曰陳瑣曰高安朱軾

案陳兆崙陳君復
 齋墓誌

五十一年壬辰 公四十八歲

任滿春歸里 修葺宗祠倡捐祭田纂修譜系

文集有族譜闕疑族譜解惑族譜辨異等篇 又念世俗冠婚喪祭或簡

野無文或侈糜踰節因博搜三禮及晉唐宋明議

禮諸書輯為家儀刊諸祠中至今族姓守而弗失

長女朱貞女持服適李氏守志

案貞女許字建昌大司空李公鳳翥之子家駒辛卯家駒登賢書未幾病卒貞女遂適

李氏守志又儀禮節略昏禮附論云予長女幼許

李氏年二十已納幣有吉日以前室喪而止越二

年婿卒時予官秦中又逾年而歸將擇配女泣然

涕零以守義請予曰爾讀曾子問乎女未成婦而

死歸葬於女氏之黨未婚可即其室乎又女死婿

齊衰待弔既葬除婿死亦如之未聞未嫁而有守

義之禮也女默默不語卒不可奪乃聽之此賢知

五十二年癸巳 公四十九歲

三月必坦生於京邸側室陳恭人出

六月擢光祿寺少卿

案李文貞公年譜云朱公以己丑充會試同考官公與同

事得其為人試事竣輒以其清慎恪勤之節聞於

上嗣是朱公自郎署出督陝西學政各聲益振至

是任滿家居公密薦之

五十三年甲午 公五十歲

在京供職 四弟炯中式江西鄉試舉人

五十四年乙未 公五十一歲

夏擢奉天府府尹 公以禮義教習旗民然五方

手譜

之過也雖然可以為難矣

古唐朱氏臧板

趨利者輻輳漸啟澆薄公察流寓之奸黠者驅懲
之士著之質樸者獎勵之民益以和樂其地井疆
向來未甚清晰民所種地苦豪族兼并公畫一清
釐強禦屏跡愿者咸得各守其業

案公上諭註解序近年

官奉天旗民雜處之地亦嘗於暇日宣講垂白之老有流涕者

次弟焜授雲南賓州吏目

五十五年丙申 公五十二歲

秋擢通政使司通政使

五十六年丁酉 公五十三歲

春授浙江巡撫任 比下車以澄清吏治維持風

俗為急務謂察吏莫先於獎廉懲貪而風俗必要

於去奢崇儉二端皆身自表率之首下令蠲除巡

撫衙門一切供億陋規身衣麤疏出入儀從減去

大半飭院吏無得曳紈綺闔屬凜然不待苗薙髮

櫛而已望風易轍郡邑長吏有循聲者輒為優獎

其最者即列薦章間以敗檢聞召而訓誡之不悛

乃參劾不少寬假

謹案公撫浙於寮屬不輕許可獨稱蔣時若洪澍清廉慈惠為

兩浙循良第一見湖州府志名宦浙俗婚嫁競尚侈靡至鬻田舍

有一經嫁娶而饗殮不給者其下貧戶每過期無

偶公酌豐儉之宜立之程檄各屬遵守嗣是貧富

平普

古唐朱氏滅板

不相耀里黨賓蜡讌會止五簋俱有常品案浙人席之稱行既久民甚便之又念國奢則示之以儉國儉則示之以禮浙江多明禮君子近世若陸當湖朱竹垞毛大可柴虎臣萬充宗昆季諸公皆深於三禮之學制節謹度觀其會通而江河日下鄉先正莫能挽匪守土之責如何取舊所刻家儀三卷益以士相見鄉飲酒禮共二十卷刊而布之浙之士大夫莫不承式北新關爲猾胥淵藪每貨舫至括責無已公主之莫敢猛爭商便而課亦裕敷文書院故萬松書院也康熙五十五年巡撫徐公元

夢摺請 賜額

聖祖仁皇帝親灑宸翰爲浙水敷文四大字 頒院敕徐公勒石供奉自此改稱敷文書院後有正誼堂堂之樓爲存誠閣閣之後有殿供碑摹 至聖先師像透迤而西山徑盤曲數十武外有舫式屋顏曰載道有軒顏曰表裏洞然再西有亭翼然面湖顏曰玩心高明皆公所題也見徐達吉清波小志公拔士之好學能文者俾入書院頒發教條詳加勸勉每月數至講堂諭令讀書立品多士奮興庚子鄉試榜發皆名諸生而書院尤盛

案李紱敷文書院文讌呈朱都古唐朱氏藏板

年譜

憲汪學士詩自注云浙士百二十取一名書院七十中十四名又宋兩宜華國文集朱文端公撫浙慮浙之俗奢侈無由而變也因公出見一婦人盛妝命呼之至問其夫何人答曰賣菜者命入署令至厨下問誰為夫人時夫人與眾女奴雜作為中饋事婦人竟莫辨公指示之曰此炊者為夫人也命留午飯以蔬菜供婦人食畢命之出竟不知其為何浙之士大夫歎曰國奢示之以儉此古大臣之用心也自是浙俗一變

十一月繼配毛淑人卒於署

五十七年戊戌 公五十四歲

在浙江任

三月題請修築海甯石塘下用木櫃外築坦水再

開濬備塘河以防泛濫

疏載文集補編

薦沈近思

杭世駿端恪沈公神道碑沈公近思字聞齋號位山錢塘人高安公撫浙時以賢能薦監督清河本裕倉嚴立條規搜剔奸蠹積弊一清彭啟豐沈端恪公墓誌銘高安相國雅重公哭其喪為表墓曰理學名臣蓋深知公者也案公之薦位山也以白中丞寓書於公聘位山主講豫章敷文兩書院皆辭不就故有是薦

刊大戴禮記儀禮節略竣

文集並有序謹案純皇帝欽定儀禮義

疏多采其說收入存目經部禮類有提要一篇

五十八年己亥 公五十五歲

在浙江任 疏劾巡鹽御史哈爾金筆帖式三恪

勒索商人 上命刑部尚書張廷樞學士德音往

審得實論如律

手譜

古唐朱氏臧板

刊張子全書四禮翼顏氏家訓溫公家範文集並有序

五十九年庚子 公五十六歲

在浙江任

七月題請建築海甯縣老鹽倉上虞縣夏蓋山等

處大石塘并開濬中小鹽淤沙又請專設海防同

知以司歲修下部議行部議浙江海塘先經福浙

以海甯上虞二縣修築工程上請行令勘議確估

今稱會勘得上虞縣夏蓋山起西至雀子村止一

帶沿海土塘多被海潮沖塌無存地與海平且沖

開缺口數處其南大鹽久已淤成平陸江海不循

故道直沖北大鹽而東并海甯之老鹽倉亦皆坍塌

沒入海所有海甯上虞二縣建築開濬需用錢糧

數目調委監工修築官員各事宜臚列備陳

議築海甯縣老鹽倉北岸石塘以防海水內灌查

老鹽倉一帶正當江海交彙今土塘隨浪坍塌現

在沖開徐家壩一口與內河支港相通已築石壩

堵塞且老鹽倉北岸皆係民田廬舍支河汊港甚

多俱與上河通聯東即長安鎮與下河官塘僅隔

一壩若不於此急築石塘堵禦萬一土岸坍塌決

入上下運河則鹽潮直注嘉湖蘇松列郡關係甚

鉅今擬於老鹽倉北岸東自浦兒兜起西至姚家

堰止共一千三百四十丈砌築石塘方可保護杭

嘉湖三府民田水利除現在採買蘆葦乾枯等料

於患口先築草壩又就近開採武康縣大石購買

巨木乘此春夏運至工所急築石塘以防潮水泛

溢查該督撫既經勘明關係甚鉅應如所題購買

木石乘時建築務期堅固一議築石塘之式以

防潮水連根搜刷查海甯沿海一帶漲有微沙乘此

潮漲時往來變遷無定今沿海一帶漸聚便可擁護

塘根臣與撫臣再四商確因地制宜就於塘岸用

長五尺闊二尺厚一尺之大石每塘一丈砌作二

十層其高二尺於石之縱鋪側立兩相交接處

上下鑿成槽筍嵌合聯貫使其互相牽制難於動

手普

古唐朱氏臧板

搖又於每石合縫處用油灰抵灌鐵鑿嵌口以免
 滲漏散裂塘身之內培築土塘計高一丈寬二丈
 使潮水大時不至泛濫塘基根脚密排梅花樁三
 路用三和土堅築使之穩固總期一木一石皆得
 實用不敢浮費錢糧亦不敢草率修築致貽後患
 應如所請如式砌建以垂永久一議開中小鹽
 淤沙以復江海故道查蘇山以北海莊山以南乃
 江海故道近因淤塞以致江水潮盡歸北岸今
 雖砌築石塘然中小鹽淤沙不開則回潮沖刷小
 日兩次土石塘工終難穩固今多僱民夫將中小
 鹽一帶淤沙上緊挑濬計挑過一千九百丈大況
 時潮水亦可出入現在將已挑者開濬深闊未挑
 者兼土開濬使江海盡歸故道則土塘石塘可免
 潮勢北沖之患查中小鹽挑濬既有成效應行該
 督撫將已挑者再加深寬未挑者速行開濬一
 議督上虞縣夏蓋山石塘以防南岸潮患查上虞
 縣原有土塘五千一百四十七丈以障蔽民田夏
 蓋山之南有夏蓋湖周圍一百五里蓄水注蔭上
 虞餘姚二縣之田並籍土塘捍禦近年夏蓋山對
 海中流漲有圓沙數十里潮逼南岸今先將患口

填塞其潮水稍緩之處上虞之民願專築土塘惟
 夏蓋山西邊實為最險要衝非建石塘斷難遮護
 隨親勘丈量共長一千七百九十四丈今用長五尺
 寬二尺厚一尺大石於羊山及夏蓋山開採運用
 隨地勢高下每丈十三層以至三十四層不等縱
 橫疊砌庶南岸之潮患可禦查夏蓋山潮勢稍緩
 之處土民既願捐築土塘應令其速行建築其西
 邊最險之處既經勘明應建石塘應如所題如式
 建砌一處實需銀數以濟巨工查沿海塘堤實
 為各郡保障若不及時修築貽患無窮即或苟簡
 因循亦恐隨成毀今海甯縣老鹽倉北岸新築
 石塘一千三百四十丈所需工料等項約共銀九
 萬二千兩可以預為估計惟樁木人工難以預定
 應俟工完之日查驗另銷上虞縣夏蓋山新築石
 塘一千七百九十四丈共估需用銀五萬八千兩
 處石塘工料共估銀一十四萬二千八百兩除將
 五十七年海塘捐納案內餘剩銀六萬三千二百
 九十九兩現在撥用外其餘銀兩一時難於措
 處請將浙省各府屬現存常平倉捐監之例暫停
 統於海塘案內收捐補用俟工竣足額即行停止

古唐朱氏臧板

仍歸常平倉收捐其現在不敷工料銀兩請於藩
庫先行動支俟收捐項可矣一議調委經理
各官以專責成查入之數俱令布政司傳澤淵總
收貯銀兩支領出入之數察北岸石塘透溫處道
理稽核其海甯縣老鹽倉再委處州府知府蘇
稷督修沿塘自督修統司稽察再委處州府知府蘇
飛熊等挑澹中草壩淤沙其上虞縣夏蓋山石塘
專委紹興府同知閻紹等令海甯上虞二縣修募
夫匠償運石料等項仍令海甯上虞二縣修募
管策應查調委官員應如所題意玩侵冒自行嚴
參至修築工程係地方官專責無容議叙一議
有專員歲修以保永固查沿海潮汛惟浙江為最非
山會蕭五縣石塘土塘專交紹興府同知閻紹管
理北岸杭州府之海甯仁錢塘三縣之石土塘
專交原任金華府同知劉汝梅管理嘉興府之海
鹽平湖二縣石土塘專交嘉興府同知王沛聞管
理各員衙內添入海防字樣專任責成小有損壞
即時修砌其屬轄之巡檢場員聽其調委分任惟

杭郡別無閒員可以經理塘務查金華原非劇郡
向設同知一缺請裁去添設杭州府海防同知一
員專司其事即將開復候補同知劉汝梅補授任
滿之後此三缺即於通省同知通判知縣揀選調
補庶人地相宜於塘有益至歲修錢糧現在無項
可動查甯邑海塘捐監餘剩銀兩原留藩庫為歲
修之用今動支修築石塘應仍於新工案內照從
前餘剩之數捐足還項留貯藩庫為逐年歲修之
用亦如所
題可也

秋三弟曠中式江西鄉試副榜 案文集有三弟行狀

十一月擢都察院左都御史 瀕行劾去二令公

語長子必堦曰此二人素貪劣自吾至任嚴加訓

飭始知斂戢吾去後彼必大肆其慾後人劾之則

其罪不可測吾止以不謹去之正所以全之也公

年譜

古唐朱氏臧板

念老母多病自癸巳迄今睽違八載而光祿公亦
夙有痰疾 奏請繞道歸省拜疏即行十二月到
家傍徨十餘日光祿公顧謂公曰爾受

聖恩至矣以吾故流連不去吾甚不樂公請少緩光祿公
怒廢食不得已辭行慟哭而別

刻孝經四本管窺竣謹案四庫全書收入
存目經部孝經類有提要一
篇

六十年辛丑 公五十七歲

光祿公以二月十一日卒於家三月十九日公在
京聞訃時值 萬壽聖節丁憂疏不得上至

二十九日吏部始 奏聞照例解任丁憂四月初

一日閣票依議初三日

聖祖仁皇帝折本未下初五日内閣啟奏奉

旨着在京守制公聞 命病加劇頭暈嗽不止日進

粥半甌形骸骨立初九日上疏請終制疏曰臣蒙

上超擢由知縣累陞今職遭遇之隆無以復加捐
糜頂踵末由仰報詎意臣父朱極光於本年二月

十一日在籍病故隨經報部具題奉
軾着在任守制欽此臣聞 命感愴涕零何

敢復有推諉上瀆 宸聰但臣父素以忠孝大義
教臣居官稍有過失必嚴加呵斥即兩次外任迎

請到署數月輒回不欲以甘旨累臣臣實未嘗稍
盡子道聞訃驚悸哀難自已伏思 皇上孝

治天下萬國臣民共沐 至德要道之化臣亦人
子若戀職留京竟不躬親喪葬此心何以即安臣

累任內外統業自持未嘗偷閒一日况今身列正卿
楚難忍兼以臣母冷氏年近八旬病在牀褥臣心
更加悽切今卧病苦塊奄奄一息即使就職辦事
必致隳廢官守君親兩負何以爲人伏乞
皇上憫臣苦衷恩准回籍守制生死銜
結倘餘生不填溝壑服闋後星馳赴闕勉竭駑駘
圖報涓埃臣荒迷失次冒昧陳情伏乞
上睿鑒施行尋奉
旨
已有旨了該部知道

十九日再疏懇請終制通政司收送內閣閣臣謂

既已有旨不便再奏將本發還公自維

既不能奔喪惟有請赴軍前効力可以墨縗從事

五月初六日遂具疏請假葬親併往軍前効力

臣蒙皇上隆恩由縣令累陞至左都御史
俱係越等超擢非臣意料所及是以每聞
寵命

慚懼交並自責自訟以無能仰報爲恨今遭父喪
又蒙皇上着臣在任守制臣自揣庸劣久
應罷斥皇上所以留臣亦以驅策有年不
忍令臣遽去耳臣乃願惜私情不知感
留戀有人心者必不出此惟是臣父自幼而孤
連困苦鬻產傭書延師教臣及臣出仕又恐以甘
旨累任不肯就養臨終囑臣母戒臣毋得哀毀服
闋務須竭忠報國言至再三更不他及是臣父
教臣以義督臣以忠惟恐臣曠職負
心勞思於臣之一身一官者數十餘年以至於死
臣苦塊哀慕追念平生摧心刺骨無以自解臣母
冷氏又遣家人語臣謂亡父停棺待葬病母忍死
待訣語語傷心切大馬之戀又繁烏鳥之私展轉
躊躇不知所措伏思人臣事主義不顧家然必實
能出纖毫之力効尺寸之長方謂移孝作忠若謂
碌碌無能素餐尸位身雖在官於國何補頃者
西陲小醜犯順普天同仇賴
運天威遠震西藏永清犁庭在即臣子盡瘁爲
國無過於是臣聞父訃哀痛昏迷卧病咯血自分
將填溝壑無能上報聖恩今服藥調治醫家謂
手書

月餘可愈雖鴛弱不能執鏡行間而押運糧餉會
計出納猶堪稍効微勞但臣父喪不獲憑棺一哭
送骨歸土未免掛牽迷亂冒懇 皇仁給假
數月臣歸家營葬臣父併慰臣母完畢束裝即馳
赴軍前聽臣以金革之事暫釋喪服回日按期追
補庶子情少伸得以安心効力上報 聖恩
下成父志臣父有知亦含笑於九原之下矣倘戀
職留京安享高位有玷臣職益虧子道 皇上允
上即不責臣臣心無以自安伏懇 皇上允
臣所請俾得稍紓忠悃兼遂私情子子孫孫銜結
無既伏乞 皇 疏送通政司因有軍前効力
上睿鑒施行

字樣收送內閣閣臣云要効力自具劄奏原本仍
封還公憂痛日甚初十日又以懇 賜給假葬親
併請軍前効力等事具 題通政司不收十二日
乃更定原本繕劄子遣家人齋赴熱河進 奏奉

旨交內閣閣票未上已奉

聖諭差往山陝賑濟言左都御史朱軾丁憂因伊前任浙
江巡撫時居官好著在任守制今伊奏請往軍前効力伊
係讀書之人往軍前如何効力似這等處該去効力等語

閣臣行知到京

六月初十日公扶病起程往山西病勢日甚更兼
泄瀉日行百餘里中夜哀號不止幾瀕於危十一
日繕疏條陳賑濟便宜五事二十二日至汾州府
屬之平遙縣暫住病稍差公復念久旱不雨即加
賑濟而農事無望終非長策民心仍皇皇無定二

十五日竭誠齋戒祭城隍神以祈甘雨越二十七

八閏六月初二三等日大雨如注差役四路查看

則數百里內同時得雨乃具摺 奏報情形

聖心慰悅

案公辦賑時章疏文移示諭條約之有關勸懲者先是洪洞劉比部鎮編刻為輶車錄今並采入文集補編不另刊云

八月十三日疏請停捐納又稔知天下州縣倉儲

虛耗條陳積儲利弊

並采入文集補編

九月二十三日復 命到京聞

聖駕由熱河回鑾即詣密雲接 駕

十月十一日以解任借帑効力河工因便葬親等

事繕劄親賞至 暢春苑十三日面 奏奉

溫旨慰諭再往山西試行水利社倉益公散賑時曾條陳

此二事也十六日起身往山西

十一月十五日奉

旨差往陝西會審魏二等案

謹案因川陝總督年羹堯劾知府徐容甘文煊虧帑命公

往鞫問

十二月十三日至西安府入貢院居住勉力讞決

獄具

六十一年壬寅 公五十八歲

二月初九日自西安府扶病還京十五日至山西

年譜

古唐朱氏藏板

蒲州地方又以叩懇

天恩准給暫假等事繕劄遣家人賫 奏奉

旨交內閣閣擬二票二十七日上

皇上折本未下二十九日內閣啟 奏奉

旨朱軾准給假安葬伊父事畢速行回任該部知道欽此

三月初三日接奉 恩旨即自真定府地方

起身回籍差家人賫摺謝 恩星夜奔馳至

二十九日到家長號不已一慟而絕虞耐禮成體

益尪羸見賓客扶杖猶不能起擬以病具 奏展

假給廬墓左終喪而後出

十二月上旬忽聞

聖祖仁皇帝龍馭上賓哀慟昏迷久而後定即日拜辭祖

靈輕裝就道星馳至京叩謁 梓宮哀慟尤

極

雍正元年癸卯 公五十九歲

正月奉

命侍 皇四子 皇五子講席

二月初九日奉

上諭左都御史朱軾係

皇考簡用大臣居官素清朕繼承大統以來實心行走孝

行著聞伊家有八旬之母 恩詔內應封夫人着加

賜一品夫人封典并 賞該省藩庫銀二千兩為

伊母養贍之資又 賜匾額曰淑範崇年又

賜聯曰柏府清風貽令子萱堂煦日慶遐齡

三月加吏部尙書銜

四月充順天鄉試正考官

五月十一日加太子太保銜十七日

特旨今順天主考朱軾張廷玉公慎自矢細心披閱盡拔
佳文內外簾官亦能各自淬礪屏除弊端發榜之日輿論
翕然朕心甚為嘉悅其酌加議叙用示優獎兼使嗣後考

官咸知激奮以副朕興賢育才之意欽此吏部議覆言已

加太子太保應加為太子太傅又

御題詩扇曰高岳生良佐興朝瑞老臣南昌挂藻鑑北斗
柄權衡忠豈惟修職清能不近名眷言思共理為國福蒼
生又 廕長子必增為戶部員外郎

七月初三日為母太夫人八十壽誕公先期乞假
歸慶奉

特旨俞允又 賜內庫銀千兩兼珍御上藥緞帛有

差 陛辭時降

旨着問爾母好并 賜朝堂良佐匾額至家奉母太

夫人命以

賜金完碧落橋文集有碧落橋記

九月回京充 恩科會試正考官得楊炳等二百

七十人案張廷玉是科九月初六日奉命為正

懼上諭曰汝與朱軾朕深信必能副委任慰

衆望也李調元淡墨錄朱文端公於雍正癸卯二

月借張文和公主順天鄉試九月仍借張文和總

裁並不論不拘朕定進士一百八十八名數不拘

省分不限額數有可取佳卷選出另行具奏其信

任如此高士熙湖北詩錄楊炳字蔚文號郢川鍾

祥人雍正元年癸卯 恩科會元卷呈 御覽奉

硃批卓識名言不獨優於諸卷即近科亦不見

內廷賜廬圓明園左側翰林院編修 召入

講官起居注典試順天江西提督福建學政案是

科南宮有正續兩榜不下六百人得士最盛如陳

文恭公王已山張曉樓周力 又充修明史會典則

堂帥蘭臯諸公俱出其中

例總裁纂修明史公以陝西鄜縣王心敬應王以

老病辭有寄公論修明史書見豐川續稿案江藩

盧請 國朝宋學淵源記公督學關中敬禮豐川數造

益焉 又偕戶部侍郎陳公守創建高安會館於

京師前門外之燕家胡同文集有高安會館記

薦王承烈字遜功號復菴陝西涇陽人康熙己丑

案文集有與王遜功司寇論氣質之性又少司寇

墓誌銘 謹案 孫家塗上三奏曰親骨肉曰停捐納曰罷西兵

容此狂生學士叩頭謝公在旁徐對曰此生誠狂

然臣服其膽由是即上良久大笑曰朕亦不能不

服其膽家塗由是即 召對授國子司業

次子璫姪必考必場並中式江西鄉試舉人

古唐朱氏藏板

二年甲辰 公六十歲

五月次弟焜卒於陝西西鄉縣任案藍鼎元朱貞女傳是夏仲父

西鄉令君卒父聞訃悼傷過甚復嘔血

六月兼吏部尚書 時銓曹司屬不皆久任老吏

輒藏其牘意為先後眾患之莫能禁公諭所屬曰

朱子謂人心須如一本册子當官蒞事固莫據於

册也今册多改竄既不可信專恃臨時查核耳目

偶遺必受欺矣司屬遵諭行之册清而銓政以肅

八月復充會試正考官得王安國等二百九十八

案文集甲辰會試錄序甲辰春大比天下士於鄉補行癸卯正科而於八月試直省士子於南宮禮

臣列試官名以請復膺 寵命兩歲之中三持文

柄自有制科以來無此榮遇也 又阮元淮海集

靈集王安國字書城號春圃會元榜眼釋褐日座

主朱文端公謂之曰學人通籍後留得本來面目

為難公奉斯言故操節與之相類

十月長女朱貞女卒 蔡世遠二希堂集藍鼎元鹿洲初稿並有朱貞女傳謹案

高宗純皇帝在藩邸有題朱貞女傳詩

十二月奉 旨往浙查勘海塘 面奉

上諭浙江海塘工最為緊要署巡撫石文焯前奏必須通

用石塊修築後又奏稱不必用石如此全無定見誠恐貽

悞塘工朕已批諭令法海佟吉圖作速詳議具奏矣但恐

法海等初任不諳地方情形汝做過浙江巡撫必知海塘

緣由着汝馳驛前往浙江將作何修築之處會同法海修
吉圖詳查定議交與法海修築汝即回京朕思海塘關係
民生必須一勞永逸務要工程堅固不得吝惜錢糧江南
海塘亦為緊要汝浙江事竣即至蘇州會同何天培鄂爾
泰將查勘蘇州塘工如何修築之處亦定議具奏欽此

三年乙巳 公六十一歲

三月疏請修築杭嘉紹等府塘工

疏采入文集補編

七月疏請移封之法公以

世宗皇帝嗣統覃恩屢下人臣所感被者封典榮親尤為
激切而拘牽成例不能遍及公自念身受三世之

錫命父母哀榮之典尤荷非常推廣

皇仁加之四海為政之大端也

乃疏曰凡四品以下文官請照武官之例聽其以本身妻室封誥移封祖父母又八九品向止封本身不封其妻故雖以已身封典移封於父不能及母請嗣後八九品官止封父母不必封其本身又教授官止九品教諭訓導並無品級然其體在州同縣丞之上且蒙聖恩俱以正途補用請將教授照知縣例封學正教諭照縣丞例封訓導照九品例封其父母則覃恩尤為廣被又封母者止封嫡母生母而繼母不能並封有繼母在堂者相形未安請得三母並封以勸孝慈並准行

九月授 文華殿大學士兼吏部尚書 命偕怡

賢親王往直隸查勘水利營田

十二月合疏

案有查勘畿南水利情形疏畿南請設營田疏並采入文集補編

三晉

古唐朱氏臧板

年譜
又是年大將軍年羹堯以罪誅父遐齡年八十餘
法當坐公奏以子刑父非法也臣簿錄年氏家書
遐齡訓其子嚴罪在子不在父

世宗是之遐齡得免

四年丙午 公六十二歲

正月合疏請分直隸諸河爲四局南運河與臧家
橋以下之子牙河范家口以東之淀河爲一局請
令天津道就近總理永定河爲一局請改永定河
分司爲河道駐固安縣總理其沿河州縣各設州
判縣丞主簿等分防北運河爲一局請裁去舊分

司令通永道兼管范家口以西各淀地及畿南諸
河爲一局請改大名道爲清河道移駐保定府管
理其河道各員必久任熟練應聽直隸總督選題
引 見簡用其同知以下各員俱於河員內
選補下部議行案有京東水利情形疏京西水利
情形疏請定考核以專責成疏並
采人文
集補編

二月丁母太夫人冷氏憂 夫人於正月初五日
在籍病沒家訃未至而巡撫已具疏報聞奉

特旨傳諭吏部通政司及在京家屬不得以伊母訃告知
朱軾彼性至孝今在營田水利工所旁無親切之人若驟

聞此信必至過於哀毀俟召彼至京朕懇切開諭庶無他虞欽此十一日奉

上諭大學士朱軾之母冷氏壺儀淑慎訓子成名今聞在籍病故深可軫惻朕優禮大臣推恩賢母用頒異數以示眷懷着江西巡撫動支司庫銀二千兩賞給伊家讀文致祭一次由翰林院撰擬其差往致祭之員若總兵官駐劄相近則遣總兵官若相隔路遠則於兩司內派出一員俟朱軾抵家之時舉行朱軾查勘水利事竣到京後著馳驛回籍欽此比公至京始奉 明旨併加開諭十九日再奉上諭大學士朱軾事親最孝朕所素知今伊母在籍病故

伊聞之自必哀痛切至但伊母年已八旬有餘伊祿養顯揚俱無餘憾此時正當節抑哀痛護惜此身為國家出力盡忠正所以盡孝朕已降諭旨賜銀二千兩為伊母喪事之費就近遣地方大員前往致祭一次令朱軾奔喪回籍著馳驛前去朕深知其家貧著再賜銀二千兩為伊盤費一切之用其子亦令隨歸伊守孝百日將伊母之事料理完畢即來京辦事爾等可詳悉傳諭朱軾知之欽此

公奏請解任終制即日又奉

上諭大學士等朱軾奏請解任開缺以終服制情辭迫切此乃伊名節所關朕知其出於至誠懇允從所請解任開

缺以全其志但三年爲時甚久卸事閒居在籍伊心亦未必自安况目前現有畿輔水利之事正資料理可於八月起身前來居住京師以備委任顧問不居現任之職則與家居無異於禮既盡於心亦安矣朱軾素性誠篤今遭母喪深恐哀毀過節爾等可將朕意諳切諭之伊年高體弱不宜過於悲戚況六十不毀載在禮經若能仰體朕心時思朕訓護惜此身爲國家出力伊母有知亦必深慰斯爲忠孝兩全倘過哀以致毀瘠則有負朕恩矣爾等並傳諭膳房侍衛永壽攜茶飯往賜欽此

二十日公卽柴車出京至家守制

七月葬妣太夫人冷氏墓在里西南之林山虎形與光祿公合葬焉賜金旣豐葬畢尙有餘資公子等請以備祭田公曰君子不家於喪不可具祭器又可備祭田乎頒諸族戚之貧者古法也散給三黨親屬均沾渥焉未幾公以

聖旨催迫限期已逾抑哀復命謹案

高宗純皇帝時在藩邸有賜公書曰士之特立獨行修身講學於草茅巖穴之中將以施之政事爲廟堂棟梁之任也是故明君在上必求天下之英才待之以禮煦之以和君臣同德相得益彰然後亮天工而熙庶績堯舜

之四岳九官湯之伊尹文武之周召皆君明臣良用成熙
皞之盛書曰百揆時叙又曰咸有一德詩曰濟濟多士文
王以甯豈不美哉三代以下君臣相得之盛莫若唐太宗
宋仁宗房杜王魏韓范歐富皆爲名臣然致君於堯舜尙
有歎焉豈氣數之未至學問之未醇信任之未專歟若先
生遭逢 盛代受知於 皇祖領中外要職開府兩浙
丙 召長御史臺 皇父任以綸扉啟沃論思誠通
志行豈惟特出班行雖古人際遇亦鮮有比倫也 皇
父命先生授經我兄弟得領誨益親函丈者四年於茲矣
今春先生奔太夫人喪甫及半載卽移書相勉以學問曰

充德業日粹天德王道交修並至之語深自思維頻加悚
愧惟恐不能勤學飭躬以慰先生之望雖然嘗聞於先生
矣蓋天德者格致誠正以修其身之謂也王道者均平齊
治之謂也自人受天之命莫不秉懿性以生但爲氣拘物
蔽故天德泯而王道無以行惟聖人立敬以立其本窮理
以致其知反躬以踐其實以修天德以行王道故家齊國
治而天下平皆修吾一身所致也堯克明峻德而協和萬
邦舜濬哲文明而六府三事允治孔子亦曰在明明德在
新民顏子克己復禮而孔子告以爲邦之道此皆天德修
而王道行故能爲天下大聖後世法則人君用之則爲建

中立極之本人臣行之則有致君澤民之功學者習之則
蘊之爲德行行之爲事業豈有二道哉書曰非知之艱行
之爲艱予受學於先生天德王道之要道心人心危微之
判日聞於耳庶幾知之矣先生之所以勗我與吾之朝夕
孜孜者其在踐行之實乎然荀卿有言莫便乎近其人
皇父命先生治喪以期蓋緣古者諸侯既葬王政入於
國之義小祥之後望先生式遄其歸以輔成勳華之治庶
幾先生德業可爭光於唐宋諸賢而予亦得朝夕薰陶於
有道也惟先生鑒察不宣

九月至京未至時十七日即蒙

上諭大學士朱軾將至京師大學士等向朱軾之子朱必
堦詢問明白預行奏聞遣學士何國宗副都統永福出迎
賜膳示朕眷念之意欽此二十四日又奉

上諭大學士朱軾丁憂回籍朕本欲成全其志准其在籍
守制三年但朕左右匡弼需人而營田水利工程亦係伊
協同辦理之事故召令來京三年之內不補原官准其素
服凡朝會宴饗及應穿補服之處俱不必到俾伊得盡人
子之心以展孝思當日怡親王遭伊母妃之喪

聖祖仁皇帝恩准素服三年今日朱軾即可比照此例著
仍在內閣兼理吏部都察院行走欽此

案夏所聞見一隅
錄朱高安兩次奪
古唐朱氏臧板

情真儒臣之不幸其一在康熙六十年丁父憂

上諭云云然則公雖兩次奪情為儒臣之不幸而

公力求終制之章瀆請無已兩朝倚畀賁錫之典

稠疊有加較之李文貞

公之奪情為有尤矣

十一月疏請收用効力營田人員准其議叙

略曰

營已田者照頃畝多寡予九品以上五品以下頂

帶一効力者量工程難易頃畝多寡分別錄用一

降革人員効力者准減等俱下議行

又請添設杭嘉湖巡道一員

時風俗澆漓特設觀

撫浙江知杭嘉湖巡道四府率多峻訟之徒全無情

實告許紛紛查分守巡道職任巡查兼理詞訟請

添設杭嘉湖巡道一員其紹興府屬甯台道管轄

凡民間詞訟冤抑州縣不能申理者巡道准理該

員能秉公執法訟師自知懼畏爭訟漸消風俗自

臻淳厚
特允所請

上

五年丁未 公六十三歲

素服居京邸

案彭端淑張文端傳云雍正丁未試

棉衣薑茶試畢羣詣闕謝恩大宗伯吳公襄宣

言於衆曰方不愧朝廷其

見重如此見白鶴堂集

刻禮記纂言竣

四庫全書收入存目

駿續禮記集說序吳草廬纂言變亂篇次妄分各

目乃經學之駢枝非鄭孔之正嫡也國朝文教

覃敷安溪高安兩元老潛心三禮高安尤為傑出

纂言中所附錄者非草廬所能頡頏又李衛稱是

書得朱子之心傳補

吳文正公之所未逮

六年戊申 公六十四歲

夏服闋告病

上時遣醫賜藥日加存問時

公長子必培任大名府知府

特旨召回京

仍補戶部郎中俾得侍養

三子必坦以選拔貢入都朝考

十一月三弟熿以効力營田議叙知縣卒於京邸

案文集有三弟行狀

薦藍鼎元

案藍鼎元行述云雍正六年冬以相國高安朱公薦引見條奏經理臺灣河

潛兼資海運鳳陽民俗土田黔蜀疆域六事上皆嘉納授廣東普甯知縣時朱公侍側而錢

塘沈公為總憲俱交贊其才云朕觀此人使用做道府亦綽然有餘

七年己酉 公六十五歲

十二月以久病未痊乞解任調理

上手詔

慰留之

刻春秋鈔

謹案四庫全書收入存史傳三

編竣

謹案四庫全書收入史部傳記類有

生得旨授刑部右侍郎先是高安朱文端公萃

二十一中名臣儒林循吏為三錄刊成未及頒

行先生因其可以勵世出俸金屬高安知縣小門

八年庚戌 公六十六歲

五月怡親王薨 命公總理水利營田事務

案李國朝先正朱軾事略云公與方望溪侍郎交最篤望溪嘗以周官餘論十篇之三示公公持至尚

年言
書房手錄曰當吾世有此異人而士大夫結習未除
乎望溪曰今上信大有為而士大夫結習未除
凡吾所云必君相一德衆賢協心然後爲之而可
成成之而可久不然上求其誠心而下應以苟道
民不見德反受其殃公志果大行異日以告於吾
君次第布之不必知自某也及公大拜乃以實
畿輔一篇致怡賢親王合詞請開水利望溪謂公
曰近畿積水無歸久矣必以數年疏決支河俾伏
秋潦漲下流無壅然後規下地擇良有司官治一
區爲民表使民豔其利而爭自營之苟少違其節
次動必無功其後爲之數年果利害相半公由是
益信望溪言凡吏疵民瘼辨賢抑奸胸中所知見
壹爲公盡之且告以海內大事宜及時措注者莫
如復明初大甯三衛兼求唐韓重華屯田故蹟自
歸化城西連三受降城以達于甯夏及經略苗疆
控制臺灣三事因盡出餘論七篇公皆慨然引爲
己任會西陲用兵度無暇部
署三方而公尋遭疾不果行

十二月兼管兵部尙書事

九年辛亥 公六十七歲

是年病未痊乞解任未允 先是運河隄工水溢

部議降級留任浙江巡撫任內失察呂留良逆書

議革職 特旨留任 賜居海澱便奏

對案是年十二月十四日公等奉 旨摘駁
對呂留良所著四書講義語錄諸書并請刊布學
宮俾遠近寡識之士子不至
溺於邪說等因旋 准施行

十年壬子 公六十八歲

是年春奉

御筆親批覽卿奏以積疴未痊暫瘳復起綸扉重地不可
久曠懇請解退調養情詞肫切卿才具優長品行端謹老

成練達勤敏和衷朕所深知正資倚任今偶患咳嗽之症
自可從容調理待其痊可向來漢大學士多用二員現今
閣中有大學士張廷玉蔣廷錫二人辦理實無曠缺卿當
頤養之時必須寬懷澄慮不以事物撓心自然藥餌有功
漸次平復以慰朕之殷懷今若以久未入直仍慮及內閣
職務雖矢心匪懈具見卿之惻誠而慮思紛繁殊有乖於
調攝之道不惟非所以自愛亦非所以仰體朕心之軫念
也朕昨以卿抱病多時遣內大臣前往看視聞卿於內大
臣前力疾叩謝禮數繁多甚覺勞頓次日清晨寒冷之時
又來至宮門謝恩是轉增朕心之不安於義深爲未協朕

知卿素性拘謹舉動備極小心是以近時以來一切飲饌
服食之物未便頻頻頒賜正所以冀卿之安逸望卿之速
痊也嗣後宜恪遵朕諭時加頤養導引中和節勞靜攝卽
受朕恩賞亦免其拜跪始於病體爲宜卿年尙未甚老若
調攝有方自能全愈爲朕宣力之處甚多此時不必以解
退陳情用是特手書諭旨賜卿其悉朕眷眷之至意欽此

謹案

高宗純皇帝在藩邸有春日賜大學士朱軾五十韻詩曰
遲日山河麗青春風物妍 皇州籠淑氣天宇燦祥烟景
媚韶華世人遊熙皞年先生方抱病靜室獨安眠 當代

窮經彥 清時守道賢事君欣際遇奉職佛仔肩 寵命
登台輔鴻才掌選銓寅恭 朝亡右弼亮 聖人前只此
冰淵志那忘對命虔 皇情嘗有眷臣節總無偏早歲承
綸綍成童受簡編芳規看表帥函丈獲周旋義府優游永
春風坐卧便賦詩閒檢韻味道細烹泉每自威儀謹從知
學問全董生醅治術朱子續心傳十載如旬日高山復大
川級長難試綆質魯詎窺淵惟借開陳力常資接引緣前
途初省試往籍事精研方示尋鄒屐旋招泛泗船高深終
莫測言象未忘筌竊意精神固何期衰病連道存看潤貌
身老惜華顛解習安心法參明藥性禪三年常疾疾晚歲

每迤邐更受 宸衷德類蒙 恩旨宣 賜醫經歲月

賚食列甘鮮幾度秋梧落經時春草芊尊生資攝理養靜
悟魚鳶入臘魔纔退頻年病始痊經帷常一遇日暮薄言
旋早識文如斗新叨筆似椽風披重幙外晴照綺窗邊坐
久添光霽來頻領蕙荃如何新歲到轉覺舊疣牽呼僕長
扃戶飛花未撲鞦竹爐朝自焙湯劑勉仍煎消悶憑書籍
無心託管絃神清依素几守寂坐麤氈未及頒春俸應勞
買藥錢東皇今布令黑帝久收權坦履宜悠爾沈疴定霍
然追隨私念切趨步寸心懸况乃須調鼎方看用作舩
時平交正泰 君道建如乾宣力疇堪並陳猷未或先陽

和敷化國 膏澤被 王田何日趨 朝陞多時隔講
筵裁詩羞未稔有暇賜雕鐫

三子必坦中式江西鄉試舉人

十一年癸丑 公六十九歲

署理翰林院掌院學士

薦雷鉉

案雷公行狀云癸丑會試中式朝考第
一名朱文端公以踐履篤實才識明通薦

改庶
吉士

十二年甲寅 公七十歲

二月奉

旨朱軾革職等案俱着開復

謹案

高宗純皇帝在藩邸有高安朱老夫子七十壽詩曰節榜
中秋近年方七袞登崧高神已降海屋算應增道與時偕
顯身將壽作朋不妨稱祝夕門第冷如冰

十三年乙卯 公七十一歲

應 詔薦舉博學宏儒四人

南城潘安禮龍泉張
振義泰和梁機臨川

李紘也案李紘送趙意林序云雍正十有一年

世宗皇帝特詔開博學鴻詞科令在京三品以上

大臣在外總督巡撫會同學臣薦舉人品端純學

問優贍之士以應 御試蓋自康熙己未 召試

距茲垂六十年矣事 嚴典曠中外相顧莫敢先發

踰年河東督臣舉一人直隸督臣舉二人他莫有

舉者 特旨切責諸臣觀望又踰年大學士高安
朱公舉四人而封疆大吏所舉猶趨不前云云

年譜

完 古唐朱氏臧板

六月浙江海塘衝決

特旨召公詢問作何

修築公奏言事難遙度臣願親往浙江料理

天顏大喜蓋是歲新舊堤壞惟公所築者不壞也

七月十九日奉

上諭浙江海塘工程關係民生最爲緊要朕宵旰焦勞不惜多費帑金爲億萬生靈謀久遠又安之計所以告誡在事臣工者已至再三矣不料經理諸臣各懷私意彼此參差以致乖戾之氣上干天和有今年六月風浪潰堤之事今雖勉力搶修尙不知能捍禦秋潮否至於建築石塘

工程浩大若諸臣陋習不改仍似從前則大工何所倚賴朕再四思維大學士朱軾廉慎持躬昔曾巡撫浙江諳練塘工今雖年逾七旬精神不逮而董率指示似尙能爲朕以此詢問之伊自稱情愿効力著由水路前往令該部給與水程勘合並令沿途撥兵護送伊子必堦著隨去朱軾到浙之日稽查指授總理大綱至一切工程事務仍著隆昇程元章等照前辦理俱聽朱軾節制若大臣中有懷私齟齬者著朱軾據實奏朕必嚴加處分文武官員等有營私作弊或怠玩因循者卽行糾叅從重治罪欽此謹案
純皇帝在藩邸有送相國朱先生奉 督修海塘詩數載

音容接絳帷西風無那送行時春迴 北闕承 恩綉秋
到南天藉指麾自是安瀾咸底績還教沃土慶豐宜梧窗
霽月流光處別後蒼涼思屢遲 帆挂扁舟野水明吳頭
楚尾正秋晴思通鎔鐵奇功著政詠甘棠喜氣迎寥寂遠
天迷去路蕭疎寒柳繫離情遙知 賜騎旋歸日 帝里
應教春色榮

八月出京行至德州驚聞

世宗憲皇帝賓天之訃慟哭昏絕久之少甦奔至阜城縣
界接奉

今上特旨大學士朱軾老臣望重應令回京辦事海塘事

務另派人辦理公聞 命彌切哀感星夜奔馳九月初四

日至京恭請叩謁

梓宮哀慟昏暈扶而後起旋奉 旨著總理事務王大臣

處協同辦事 九月二十五日奉

上諭大學士朱軾在

皇考時宣力多年朕卽位以來總理事務敬慎周詳夙夜
匪懈今

皇考梓宮已安奉雍和宮辦理諸事俱屬妥協應加恩以
示酬庸之典著賞給拜他喇布勒哈番與伊子朱必坦承
襲世襲罔替欽此

年譜

年譜

十月具陳開墾刑罰鹽政等疏 公知直省督撫諸臣有以興利為功者其屬吏奉行不善每致累民莫甚於開墾因有停止丈量之請又念賦稅之外事之大者莫若刑罰弊之滋者莫甚鹽政公密具條陳並蒙覆准通行直省

疏並采入文集補編

乾隆元年丙辰 公七十二歲

二月充會試正考官得趙青藜等二百四十人

阮葵

生茶餘客誦前明主會試三次者王元美推為盛事我朝熊孝感五主會試范文端李高陽陳澤州朱高安張文和史文靖皆三主會試劉文正介受社宗伯凡四為總裁

次子璣以迴避別試中式 授翰林院庶吉士

先是 賜第在外城恐朝回日昃未能從容又賜第於 地安門外并 賜金五百兩為修宅之費

七月恭修

世祖憲皇帝實錄及纂修三禮義疏俱充總裁

八月初八日舊疾大作咯血竟夕不寐蒙 賜葯

案雷鉉記西林鄂文端公遺事云高安公病余往視問廷臣可任大事者高安良久曰西林見

經筵堂文集又李元度國朝先正朱軾事略云高宗諒陰依古禮法致行三年之喪諸王大臣屬

望溪草具儀法及制詔將頒復速望溪至雍和宮討論公常左右之惟恐其言之不用也疾革望

溪走視公蹶然興曰子所言三事及九篇之書吾未嘗一日忘以 聖天子維世礪俗謂子所

三書

聖古唐朱氏臧板

云禮義之明人材之興也有日矣而吾將泯焉命也夫子性剛而言直幸哀疾支離於世無求否則尚與望溪同直內閣雖入政事堂眾既退坐必下之行必後之望溪固辭公曰眾爭為市道交即此可示之以禮矣

次孫紹功中式江西鄉試舉人

九月十八日未時公薨 先是十三日 御醫以

公病勢 奏聞 上方有祀事齋戒十四日 諭

和親王至第慰問并賜帑金千兩十五日

皇上親臨 聖心忤惻再顧徘徊始出公口授謝劄

命長子必培齋 奏隨檢閱生平著述至大易之

大過卦握筆審視似欲有所更定沈吟而罷十六

日眷眷以理財用人為念繕具遺疏 疏采入文集補編

疏 奏上奉

旨大學士朱軾品行端方學術醇正為

聖祖簡用之人 皇考眷注有加簡任機務純修清

德望重朝端朕自幼讀書宮中常聞講論即位以來正資

老臣襄贊昨聞抱恙沈篤朕親往看視尚冀調治痊可今

聞溘逝朕心深為震悼特命輟朝一日親臨祭奠以昭敬

禮大臣之誼又賜內帑庫金經理喪事茲覽遺疏拳拳以

吏治民生為念具見忠悃著加贈太傅入祀賢良祠所有

應得恤典該部察例具奏欽此尋 賜祭葬

予謚文端其文曰任隆密勿賴良弼以宣猷禮重老臣眷
 前勞而賜卹緬儀型之久著陳奠醊以薦馨爾朱軾學術
 端醕器資凝厚早登詞苑蜚聲著作之庭旋宰花封奏最
 循良之績入雲司而讞獄平允攸稱出冰鑑以量才公明
 丕播特膺內擢洊尹陪京沛膏雨於棠陰澤流兩浙肅風
 霜於柏府憲總萬邦晉領銓衡掌邦典而官方攸叙簡司
 機務陟綸扉而調燮咸宜 先皇篤念公忠再任海
 塘重寄朕躬方資啟沃召還台袞崇班迨于積疚已深曾
 親視疾泊乎奄殂入告復往臨喪預頒內府之金俾營身
 後之事彝章備舉綸綍頻加於戲持一介之清操蕭然館

舍邈平生之道範邈已風規爾靈有知尙其來享

乾隆二年二月十三日發引南歸

上復命前一日著散秩大員一員帶領侍衛十員前往奠
 酒並於十三日送其起程再令該部行文沿途地
 方文武官弁在二十里以內者俱至櫬弔奠並遣
 人護送俾長途安穩早抵故里其柩准入城治
 喪欽此遂以是年十二月二十四日葬於高安城

山艮溪里南之劍山即公龍城寺肄業處也

案袁易齋

守定說雲詩鈔有朱文端公墓下作鷓鴣會居第

一班衣冠常惹御香還獨將經術勅三聖自
 起清風播九寰玉魄騎箕蒼昊上石麟沐雨翠微
 間尋思幾滴西州淚仰止松楸不忍攀考易齋自

三書

晉古唐朱氏臧板

年譜

撰年譜云雍正五年會試卷落無錫鄒公升恒房薦為本房首卷大總裁沈公近思以後場苑累落第旋取明通榜第二時朱文端公與閱落卷賞余文屬同邑朱山立干招往見而余已出都門矣八年登進士時清江楊勤慈公為吏部郎文端公謂之日袁叔論是江西一枝筆我擬保舉之楊以告時余病弱方因念留京必無生理亟請辭免嗣奉旨歸班者發鄰省學習吏治簽掣湖南文端公謂戶部郎南昌楊允服曰我欲保舉袁叔論而以病辭何以又往湖南楊以問余余日為我謝相公湖南鄰近可就彼調攝以一日文字之知愛惜若此真宰相之用心也

案公著周易傳義合訂十二卷是年鄂公爾泰校

刊進呈

御覽賜序

謹案

四庫全書收入經部易類有提要

翠庭鉉為之序略云公學述事功久孚中外生平自視欲然其所纂輯諸書皆本前賢以裨世教其

自著易春秋公既沒而後傳於世奏疏經廷議施行外未嘗有稿他序論書記諸作多不存錄深陽吳君受之公子乃得若干卷云云

三年奉

旨立主入祠崇祀其文曰翊熙朝之泰運端重良臣稽冊府之鴻猷宜崇元祀蓋成勞懋著生平之風規如存斯盛烈昭垂奕世之寵褒益篤載申綸綍式薦牲醑爾原任大學士朱軾器資端重學術深醇起自詞垣中外著廉明之譽游登卿月封疆流仁愛之聲皇考洞悉公忠晉台輔而恩榮彌渥朕躬久資講論迄諒陰而倚毗方殷介節清操澹泊弗渝乎素志光風霽月老成不愧乎名儒於

戲流芳竹帛卓然一代之完人樹範巖廊允矣千秋之茂
典列豆籩於祠宇涯澤攸隆布筵几於里閭湛恩疊沛靈
其不昧尙克欽承

四十四年暮春 上追念清操宿學 御製懷舊

詩稱爲可亭朱先生詩曰

皇考選朝臣授業我兄弟四人胥宿儒徐朱及張嵇設席
懋勤殿 命行拜師禮其三時去來可亭則恒矣時已熟
經文每爲闡經旨漢則稱賈董宋惟宗五子恒云不在言
惟在行而已如坐春風中十三年迅耳先生抱病深命輿
親往視未肯竟拖紳迎謁乃鞠臚始終弗踰敬啟手何殊

爾嗚呼於先生吾得學之體

嘉慶四年二月二十九日奉

上諭原任大學士朱軾孫家淦居官清正其子孫現無出
仕之人着傳諭伯璘張誠基查明朱軾孫家淦嫡派子孫
擇其人尙明白者送部帶領引 見將此各傳諭知之欽
此江西巡撫查明給咨公之元孫朱振聲朱景華生員朱

晉麟赴部引 見蒙 恩賞給振聲景華舉人一

體會試晉麟 特授直隸固城縣知縣

刻既成得讀張文和公澄懷主人自訂年譜謹補

錄二則

一雍正三年八月

上駐蹕於圓明園以苑東戚畹舊園

賜張廷玉與朱軾及南書房翰林吳士玉等居之園在御苑之東相去半里許奇石如林清流若帶曲榭長廊涼臺煥館之屬無不備具

一乾隆元年正月奉

旨着大學士鄂爾泰張廷玉朱軾左都御史福敏侍郎徐元夢邵基爲皇子師傅着欽天監擇日開學旋據欽天監擇得二十四日吉是日清晨

皇長子 皇次子到學總管太監傳

旨皇子應行拜師之禮廷玉等固辭遂長揖賜賚文綺筆硯之屬與雍正元年同少頃召皇子及廷玉等六人進見


面諭曰皇子年齒雖幼然陶淑涵養之功必自幼齡始卿等可殫心教導之倘不率教卿等不妨過於嚴厲從來設教之道嚴有益而寬多損將來皇子長成自知之也

上顧皇子曰師傅之教當聽受無違二十五日

上親往馬蘭峪謁

陵奉

旨着果親王大學士朱軾鄂爾泰張廷玉尚書海望在京
總理一切事務



附錄遺事未得其年者謹附於後

世宗憲皇帝正告廷臣曰如朱軾張廷玉沈近思魏方泰

朕保其終無二心方苞禮部侍郎魏公墓誌銘

高安朱文端公撫浙有政聲相業亦與韓富相埒

今特誌其軼事雍正時以疾罷相寓京師之煤市

街屋僅數椽予往問疾坐床側所見有寒士所不

堪者架上僅一篋貯朝衣冠他無長物時筠莊兄

督糧潞河奉十金為壽公啟封顧視笑曰吾意已

領矣仍付還其清介絕俗如此夏之蓉半舫偶輯

長興芥茶名品朱高安相國撫浙日鮑西岡以二

三書已古書未氏感友

年譜

卷

器獻之受譴案舊聞載李于鱗爲浙臬徐子與中行以芥茶餉之比問及已賞與夫西岡其仿古而爲之耶戴蕞塘吳興詩話

〔洪亮吉書劉文正公遺事云公之前爲大學士者

高安文端公朱軾最著立朝大節多人所不能及

以采聽未審敢俟異日

卷施閣集

〔雷鉉記所聞混同顧公事公生平敬服高安朱公

蝶園徐公與望溪先生公嘗言如高安乃真無近

名之心

經笥堂集

〔又記所聞相國福公語公生平服膺高安朱公曰

此我心之師也

經笥堂集

〔阮氏元金沙港三祠記正氣之言始於楚詞遠遊

而文丞相正氣歌實發明之非有死節至行如文

山者不得與也先覺之言始於孟子在畎畝則樂

道任天下則覺民非有任事如阿衡者不得以類

從也遺愛之言始於孔子之泣子產非有功德及

斯民如鄭僑者不可也元今定金沙港之三祠較

之六一泉有互遷者有除者有增祀者云云其定

爲增祀者於遺愛堂增唐李公德裕明胡公憲阮

公鶚戚公繼光 國朝張公鵬翮趙公申喬朱公

手譜

古唐朱氏臧板

全譜
軾李公衛八人

聖經室文集

〔江藩〕國朝宋學淵源記 國朝儒林代不乏人

如湯文正魏果敏李文貞熊文端張清恪朱文端楊文定孫文定蔡文勤雷副憲陳文恭王文端或登臺輔或居卿貳以大儒爲名臣其政術之施於朝廷達於倫物者具載史歲無煩記錄且恐草茅下士見聞失實貽譏當世也

〔郭起元〕上方望溪書梁村蔡公語起元當代偉人若高安相國熨園方堂兩公德業聞望起元誌之弗敢忘

介石堂集

〔蔡世遠〕齊汴子傳雍正甲辰舉於鄉兩上公車不

第以相國高安朱公薦授瑞昌縣教諭同人爲之

怏怏汴子怡然曰卽此職便難稱風化之本人才

之基豈易易事蒞任僅五月士習一變學制一新

諸生事之如安定之蘇湖也

二希堂集

〔晏斯盛〕傳斯盛雍正戊申授山西道監察御史

賜浮水石硯及筆墨曰此大學士朱軾所進今以

賜汝汝可時時把玩勉爲朱軾可也

新喻縣志

公凡所薦舉初不令其人知或左右微探其端必

正色曰斷自宸衷非可以私恩市也長御史

世宗以科道一體命六科亦統於都察院科臣有抗爭者語并及公公叩頭申救科臣得寬免時以比文潞

公之於唐介云李元度國朝先正朱軾事略



朱文端軾領解後嘗訪其宗同年瑞齡於北湖北湖密邇縣城居旬餘或人勸之謁邑宰軾弗往蓋

名臣進止其初已嚴正不苟如此乾隆浮梁縣志寓賢

